

Ҳавз | Ақийда дарслари (241-дарс)



19:00 / 21.08.2023 1459

Аллоҳ таоло Расулуллоҳ соллаллоҳу алайҳи васалламга хитоб қилиб:

الْكَوَثَرَ أَعْطَيْنَاكَ إِنَّا

«Албатта, Биз сенга Кавсарни бердик», деган (Кавсар сураси, 1-оят).

«Кавсар» сүзи луғатда «кўп яхшилик», «жуда ҳам кўп яхшилик» маъносини англатади. Арабларда сон жиҳатидан, қадр-қиймат жиҳатидан ва аҳамияти жиҳатидан кўп бўлган нарсага «кавсар» дейилади.

Имом Термизий ривоят қилган ҳадисда қуидагилар зикр қилинади:

«Кавсар жаннатдаги дарё бўлиб, унинг икки қирғоғи олтиндан, ўзани дуру ёқутдан; тупроғи мисқдан хушбўй, суви асалдан ширин, қордан оқдир. Ким ундан бир ичса, кейин абадий чанқамайди».

Имом Муслим ва имом Термизий Анас ибн Молик розияллоҳу анҳудан ривоят қилган ҳадисда эса қуидагилар айтилади:

«Бир куни Расулуллоҳ соллаллоҳу алайҳи васаллам ичимизда турган эдилар, бир оз жим туриб қолдилар-да, сўнг табассум-ла бошларини кўтардилар.

«Нега куляпсиз, эй Аллоҳнинг Расули?» дедик.

«Менга ҳозиргина бир сура нозил қилинди», деб, «Бисмиллаҳир Роҳманир Роҳийм. Иннаа аътойнаакал-Кавсар» сурасини қироат қилдилар. Сўнгра:

«Кавсар нималигини биласизларми?» дедилар.

«Аллоҳ ва Унинг Расули билувчиdir», дедик.

«У Роббим азза ва жалла менга ваъда қилган наҳрdir. Унда кўп яхшилик бордир. У қиёмат куни умматим келиб, ҳузуримда сув ичадиган ҳовузdir. Унинг идишлари юлдузлар ададича. Улар ичидан бир банда суғуриб олинади. «У менинг умматимдан!» дейман. Шунда: «Бу сендан кейин нима қилганини билмайсан», дейилади».

Имом Термизий ривоят қилган ҳадисда айтилишича:

«Албатта, ҳар бир пайғамбарнинг ҳовузи бордир. Пайғамбаримиз соллаллоҳу алайҳи васалламнинг ҳовузлари энг катта, энг ширин ва энг кўп одам келадиганиdir».

Пайғамбар соллаллоҳу алайҳи васалламнинг «Менинг ҳовузимнинг миқдори Ийлаадан Яманнинг Санъоси қадардир. Унда осмондаги юлдузлар сонича идишлар бордир», деган ҳадислари ҳам Кавсар ҳавзаси мавжудлигига далолат қиласи.

Имом Бухорий Анас розияллоҳу анҳудан ривоят қилганлар.

عَنْ عُلَيْضِ رَسُولِ اللَّهِ عَنْ أَنَّ يَبْنَ لَهُ مَلَسَ وَ لَقَمْلَيْبَنْ أَنَّ يَبْنَ لَهُ صَلَصَلَةَ يَبْنَ لَهُ

رَهَنْبَ آنَّا ذِئْنَجْلَا يَفْ
 فَوْجُمْلَرْدَلَأْبَقْهَاتَفَأَحْ
 لَاقْ كَلِيْرْبَجْكَمْ تْلُقْ
 كَبَرَكَأَطْعَأْيَدَلَأْرَثْوَكَلَا ذَهْ
 كَسْمُبَيْطَوْهُنِيَطَأَذِإِفْ
 دُوَادُوْبَأَوْيَرَخْبَلَا هَارُرْفَدَأْ
 يَذْمَرْتَلَأَوْ

Анас розияллоҳу анҳудан ривоят қилинади:

«Набий соллаллоҳу алайҳи васаллам:

«Мен жаннатда юриб кетаётсам, бирдан олдимдан ҳовуз чиқиб қолди. Унинг икки томони ичи бўш дур қуббалардан.

«Эй Жаброил! Бу нима?» дедим.

«Бу Роббинг сенга берган Кавсардир», деди. Қарасам, унинг лойи холис мисқдан экан», дедилар».

Бухорий, Абу Довуд ва Термизий ривоят қилганлар.

Ҳовуз тўғрисидаги ҳадислар жуда кўпдир. Уларни саҳобалардан ўттиздан ортиғи ривоят қилганлар. Шайх Имодуддин ибн Касир ўзининг «Ал-Бидоя ван-Ниҳоя» номли катта тарих китобида ҳаммасини санаб чиқсан.

Уламоларимиз: «Ҳовуз ҳақида келган ҳадислар мутавотир даражасига етган», дейдилар.

Ҳовузнинг сифатида келган ҳадислардан қуидагилар фаҳмланади:

Албатта, у улкан бир ҳовуздир. Мўътабар сувхонадир. У сутдан оқ, қордан совуқ, асалдан ширин ва миски анбардан хушбўй бўлган Кавсар анҳоридан жаннат шаробини олади. У жуда ҳам кенгдир. Эни билан бўйи тенгдир. Тарафларидан ҳар бири бир ойлик йўлдир.

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 22 июлдаги 03-07/5979-рақамли холосаси асосида чоп этилган.